

## I lavanderi

A partivan de bunura, cunt la carèta  
tuta piena, un sigion, un barilòt, una sidèla,  
una spasèta e del savon.....  
la carèta l' era piena anche de tot i pagn de netà,  
invernu, primavera, està, auton, semper n bàl  
a careà, piee de lenso e olter ròp,  
de lavà e risciaquà, in un rugèt, o giò la Musci,  
l' era semper un via va, carèta in discesa,  
e carèta in salida, quej furtunà andavan in panura....  
sembrava l' antipode de un' autostrada.....  
se racuntavan dispiasè e fastidi, al sumejava  
al de del mercà.....spasèta...insauna....rasènta,  
la fadiga l' era tanta, ma i ghej eran poc.....  
forsi apèna de cumprà un po de lacc,  
e un toch de paa.

In so la carèta, gh' era anca un sidelòt de acqua colda.....  
l' era un trafich impusibil, finì de lavà,  
carga la carèta, per riturnà a stend i pagn.....  
per faj sugà.....adèss i lavatoj in stà stupà....  
ma quant a pasi visen, dal prufunt dela tèra,  
senti amò i vùus de chi lavava,  
me fèrmi.....ascolti.....l' è  
sulament l' impression del tem pasà.

7-10-2017